



Ku ringa swakudya swa Xivhenda




Mpho Witness Makwarela



Leyi i tlilasi ya vadyondzi va Vavhenda. Eka siku ra namuntlha va tile ni swakudya swo hambanahambana swa Xivhenda ku va va ringa.

Vana van'wana va tile na swakudya leswi va swi rhandzaka ku ta avelana. Mudyondzisi u va nyika nkarhi wo siyerisana ku va va tisa swakudya swa vona etafuleni ra yena. Kutani a vitana vana va nga ri vangani ku va va ta ringa.





Wo sungula, Lufuno u avela delele ra yena,
na Itani u avela *chidzimba* xa yena.

Vana hinkwavo va ringeta nantswo. Ha
swimbirhi ka swona swakudya swa nandzika!


Lindelani u korisela hinkwaswo leswi a swi
sele eka swibye leswimbirhi.

Hakunene, n'wana luya u dya ngopfu!

XIBOKISANI XA NTYISO

Delele i matluka ya guxe lawa ya swewiwaka na matluka ya thyeke, matamatisi, nkuma na munyu. Ri djiwa na vuswa.

Chidzimba i tihove leti swewiwaka hi timanga, mavele, tinyawa, tiboncisi na munyu.





Kutani Funi u avela *tshopi* na Mulalo a avela *bovola* ra yena.

Hinkwavo va ringeta swintsongo. Van'wana va ti nantswa milomu.

“Mmm. Leswi swa nandzika,” va vula.

Nakambe, Lindelani u heta swakudya hinkwaswo leswi a swi sele!

XIBOKISANI XA NTIYISO

Tshopi i mpfanganyiso wa mugayo na kwembe na chukele.

Bovola ri fana na xiphaswa. Xi endlwile hi magavelo, matluka ya kwembe na swiluva, na timanga.





Kutani Maluta na Unarine va pfula swibye swa vona.

Yoo! Tinthonono na majenje!

“Yo, ee! Ku nga ri mina!” ku vula vana van’wana.

Vana van’wana va ringeta nantswo.

“A swi bihanga ngopfu,” va vula hi ku kombisa vumunhu.

Ina, Lindelani u hetile hinkwaswo!

XIBOKISANI XA NTIYISO

Tinthonono na majenje swi katingiwa hi mafurha ivi swin’wana hi mati.





Kutani Dakalo na Maano va pfula swibye swa vona...

Swakudya swin'wana swo chavisa! Va tile na masonja na tinjiya!

“Mphuu! Ee, ee! Ku nga ri mina!” ku vula vana vo tala.

Vantsanana va xivindzi va ringeta nantswo.

Ina, Lindelani a nga siyi na njiya kumbe sonja na rin'we!

XIBOKISANI XA NTIYISO

Masonja ya katingiwa hi nyala, tamatisi na munyu.

Tinjiya ti katingiwa hi mafurha yo hisa.





Tlilasi hinkwayo yi ti phinile hi ku ringa swakudya swa Xivhenda.

Hinkwavo va xurhile hikuva va dyile swinene, ehandle ka Lindelani.

U yimisa voko ra yena.

“A hi nkarhi wa ku ya wisa sweswi, Mudyondzisi? Ndzi na ndlala!” a vula.

Hinkwavo va hleka loko nsimbhi yi rila.

